

No. 233. 1398. 16. Apr.

*Die Burggrafen Berthold und Heinrich von Meissen eignen dem Afrastifte Geldzinsen, welche der Domherr Ramfold von Polenz käuflich von ihnen erworben hat.*

Wir Bertold vnde Heinrich von gotis gnaden des heiligen Römischen riches borggrauen czu Mysin vnde grauen czum Hartenstein bekennen offinlich in disem brife vnde tun kunt allen, dy en sehen hörin adir lezen, das wir recht vnde genczlich in eyne rechten kowfe vorkowft haben dem erwerdigen manne ern Ramfolde von Palenczk thumherren czu Misne vyr schillinge groschin Fribergischer münceze jerlichis czinses in dem dorffe Vichtenberg genant by Mölberg gelegen<sup>a)</sup>, dy da gibit vnde czinset vnde sal geben alle iar ierlich vff sente Michels tag Nyclus Bobnicz da selbis czu Vichtenberg gesessen von eyner hufen ackers, adir wer dy selbe hufe hette vnde besese, mit allen rechten vnde wiriden, alze wir sy bis her an dyse czyt gerugeklich gehat vnde besessin habin; vnde habin ym dy gegeben vmme achezig schog Fribergischer groschin, dy her vns gereyt nützlich beczalt hat vnde sagen yn der ledig quyd vnde los in disem brife. Ouch hat vns gebeten der vorgeante er Ramfold, das wir gote vnde den heiligin merterern sente Fabiano vnde Sebastiano czu eren, vnde syner eldern vnde syner selen, wenne got obir yn gebüt, czu nuecze vnde czu troste den selben czyns, den her gereyt willeklich vor vns hat vffgelasin vnde vorzeyen, wollen eygenen vnde czu eygen geben vnde lihen den erwerdigin ern Jürgen prabiste, ern Niclus priore vnde der ganczen samenunge gemeyne des closters sente Affran czu Misne in der stad gelegin, vnde allen yren nachkōmelingen. Des habe wir angesehen anneme dinst, dy vns der egenante er Ramfold uft getan hat, durch sūnderlichir gunst wille, vnde habin den obin genantin Niclus Bobnicz czynsman mit den vorgeanten vir schillingen czynses an dy selben egenanten prabiste priore vnde samenunge gewyst vnde heisin huldin, alze her getan hat, vnde eygenen sy yn vnde allen yren nachkomlingen, vnde haben sy czu rechtm eygen geligen gegeben vnde bestetigit gnedicklich vnde willeklich von alle vnsir gewalt, eweklich by dem megenantin clostere czu blibene, alze eygyns recht vnde gewonheit ist, mit allen rechten alze wir sy gehat habin, der wir vns ouch willeklich vorzeyen vnde habin vorzeyen mit crafft dises brifes. Das alle obingeschrebene kowf lehn eygenschaft stücke vnde artikel stete vnde gancz gehalden werdin, des czu orkunde vnde mersicherheit wille haben wir obingenantin borggrauen beyde eyntrechtlich vnser ingesigele an disen keginwertigin briff lazen hengen, der gegeben ist nach Cristi gebort dryzenhundirt iar dar nach in dem acht vnde nūnczigisten iare, am dem nesten dinstage nach dem suntage, alze dy cristenheit syngit Quasimodogeniti. Da by synt gewest geczug der erwerdige er Andreas Grawe tumherre czu Mysne, der gestrenge Niclus von Kobirshayn, er Nicklaus Peregrim cappellan ern Ramfoldes, Martinus von Kothebus vnde Hannus des selben ern Ramfoldes dyner, vnde

a) Fichtenberg bei Mühlberg an der Elbe.